



Respeita moris no cuidado meio ambiente: Ita hetan convite ida atu sai co-criador ba criação tomak

Ir. Maria Jerly Renacia no Ir. Benigilda Ladia, SSps

Ita hotu hatene kona ba historia criação nian iha livro Gênesis 1. *“Hori uluk kedas, wainhira Maromak halo lalehan ho rai...no Maromak hare katak buat hotu mesak diak teb-tebes...Maromak halo ema tuir nia ilas; tuir nia ilas rasik mak Maromak halo ema...Maromak hare ba buat hotu nebe Nia halo no nia hare katak buat hotu mesak diak”.*

Maromak sente satisfeito tebes ho nia criação. Ba dala ne’ en durante processo criação nian, Maromak descança, nia observa fali nia obra hotu no nia hare katak buat hotu mesak diak. Maromak gosta teb-tebes ho serviço nebe nia realiza. Criação ne’ e rasik hatudu mai ita katak lalos Maromak mak cria buat hotu sai furak deit maibe criação ne’ e rasik reflete ka hatudu Maromak nia grandeza. Iha serviço hotu nebe realiza ona, depois de halo mos ita ema, Maromak considera ita ema nu’udar ida nebe “diak teb-tebes”. Maromak tau confiança ba ita ema kona ba ninia domin rasik, buat hotu nebe nia cria, universo tomak nomos meio ambiente nebe oras ne’ e daudaun ita moris ba, nu’udar ita nia uma comum.

Sinal hotu iha moris ne’ e sai nu’udar lembrança ida husi Maromak nia obra no ninia moris rasik nebe mak bolu ita atu respeita no hahi nafatin Maromak. Ensino ka hanorin nebe diak liu ba ita nia moris mak: *“Halo ba ema seluk hanesan buat nebe o hakarak atu ema seluk halo ba o”.* Natureza fo mai ita buat barak nebe gratuita: ar nebe fresco, be mos, paisagem nebe furak, mundo nebe furak, no buat seluk tan..., ita hetan buat barak husi natureza, maibe saida mak ita selu fila fali ba nia? Hanesan ita hotu hatene katak, criação ne’ e hakilar, sente moras tamba ita estraga no abuza, harahun no hamohu. Sera que sei iha moris foun no realização husi criação foun ida? Sera que oras ne’ e dau-daun ita consciente kona ba impacto nebe acontece relaciona ho meio ambiente? Sinal tempo nian convida ita atu halo conversão ambiental, atu bele sai nu’udar co-criador no tau matan ba ita nia moris hun no ita nia uma comum. **Fatin nebe orsa ne’ e ita hela ba, ida ne’ e duni mak precisa ita tau matan didiak.**



HARE

Situação ambiental concreta balu iha ita nia mundo nebe mak afecta negativamente ita nia hela fatin comum, inclui estraga mos ita nia moris, tamba ita nia moris ho criação sira seluk sempre liga ba malu, labele hafahe:


Tuir UN *Science Daily*, questão principal sira husi ambiente nian mak: manas, menus *camada de ozônio*, poluição husi ar nebe ita dada no menus be, udan masin, *pengelolaan*

limbah, ita estraga ai-horis, rai nebe sai maran, rai monu, rai nebe sai krekas, exploração ba recursos naturais, energia nuclear, *produtos químicos tóxicos* no seluk tan.

Maioria husi questões ambientais hirak ne’ e nu’udar resultado husi atividade ema nian iha ambiente biofísico. Kona ba estraga meio ambiente, iha ligação ho ema.

Fatos ka realidade balu:

- **Aquecimento global** hamosu mudança climática iha ita nia rai. Los duni, mudanças climáticas ne'e buat nebe real duni no ita ema mak sai nu'udar responsavel tamba atividade ema nian duni mak hamosu *dióxido de carbono* no gaz nebe barak teb-tebes, nebe mak nia efeito fo manas ba atmosfera. Los duni katak, mudança ki'ik sira iha temperatura média bele resulta mudança clima nebe perigoso nomos desastres naturais nebe estraga, manas makaas, rai maran, sunu ai-laran fuik, no be sae iha fatin-fatin. Buat hirak ne'e aacontece beibeik no intensivo liu. Realidade hatudu katak iha tinan 15 ikus ne'e, existe manas nebe makas iha tinan 12 nia laran. Triste tebes ita hare katak, mudança climática halakon mos ai-horis no animal oi-oin. Iha ona 47% husi 976 espécie ka modelo ai-horis no animal. *Dia 8 de dezembro de 2016 Daily Science.*
- **Be mos nebe menus:** Iha mundo tomak ita iha deit 3% be midar ka be mos no ema quase 1,1 bilhão mak iha acesso ba be nebe mos no seguro. Iha meados século ida ne'e, quase 1/3 husi municipio sira nebe iha distrito 48 la hetan be mos, nomos quase 400 husi 1.100 nação nebe mak enfrenta situação nebe grave tebes.
- **Ita lakon biodiversidade no animal sira ho especie oi-oin:** Biodiversidade ne'e refere ba ai-horis oi-oin, animal no buat moris sira seluk iha ita nia planeta. Ita iha necessidades básicas nbe ita precisa atu bele moris, liu husi biodiversidade ne'e. Ita precisa ai-han nebe mak natureza prepara ba ita atu han, be atu hemu, anin atu bele dada is no material seluk atu bele prepara hela fatin no necessidade seluk tan. Maibe, ita ema mak estraga buat hotu, tan deit consumo de recursos, ba agricultura no ba industria sira. Ita estraga ai-laran fuik, hafoer tasi manipula inan rai hodi halo tos no industria sira nebe estraga deit ka halakon animal sira nia horik fatin. Buat hirak ne'e fo ameaça ba segurança ai-han, saude ema nian nomos estabilidade mundial. Mudança climática fo contribuição boot atu halakon biodiversidade, tamba iha especie animal ka ai horis barak nebe mak labele adapta-an ho mudanças de temperatura. Tuir dados husi Planeta Vivo do World Wildlife Fund, katak biodiversidade diminuiu ka menus husi 27% iha tinan 35 ikus ne'e. *"Ita precisa cuidado biodiversidade didiak hodi hatene usa no compreende nia importancia ba ita ema nia moris."* - *E.O. Wilson (biólogo americano)*
- **Rai monu no rai sai krekas:** práticas agricultura nian nebe la sustenavel si halo rai monu no rai la buras, be dalan sira intupido no foer, be sae iha fatin barak nomos rai maran ka deserto iha fatin balu. Tuir dados husi *World Wildlife Fund*, metade ka sebagian husi camada superficial inan rai nian hahu menus iha tinan 150 ikus ne'e
- **Hamenus lixo:** Ema hotu-hotu nebe mak moris iha sociedade considera nu'udar ema nebe gasta-dor ba: surat tahan, hahan restu, estraga quintal, usa electronica antiga, plastico, kalen etc. Praticamente buat hotu nebe ita sosa iha loja mai kedas ho nia embalagem ka *bungkusan* nebe mak depois ita tenke soe ba lixo.



Se ita la organiza didiak, lixo hirak ne'e bele sai perigoso ba meio ambiente, estraga animal sira nia hela fatin no hafoer rai no be. Iha mos lixo husi industria sira, husi atividade mina nian, agricultura, petr6leo, no processo sira seluk tan. Gest6o husi lixo ema nian sai nu'udar preocupaç6o boot iha tina-tinan ikus mai tamba populaç6o nebe aumenta ba bebeik no aumenta mos ita ema nia necessidade consumo nian.

Quase naç6o hot-hotu iha mundo ne'e koko ona problema ambiental espec6fico no enfrenta desafios barak kona ba efeitos nebe mosu.

Iha ne'e sei fo exemplo balu nebe ajuda ita atu hatene liu tan:

- Gasoduto entre Canadá ho Estados Unidos sai hanesan ameaça boot ida ba segurança ambiental.
- Poluiç6o nebe bo'ot tebes iha Filipina estraga ona ema barak nebe mak hakarak hetan ar diak no labele dada is ho diak.
- Brasil luta makas hela atu cuidado Amaz6nia, maibe iha parte seluk sira koko atu hari'i barragen 30 (tolu nulu) iha neba atu bele hetan energia eletrica. Hamrok mosu iha Estados Unidos tamba uza tratamento ba be nebe mak la iha qualidade, estraga be mos iha

futuro (Análise Social ba século XXI - Ma. Cimperman, página 19).

- Mineraç6o ka mina iha parte barak iha Índia estraga rai, ema lakon sira nia rai no serviço agricultura la fo resultado diak. Ema barak ses husi sira nia hela fatin no lakon atividade agricultura nian (2015 VIVAT Índia- Entrada)
- Reflex6o sira kona ba crise be mos iha Salvador no seluk tan: Iha estrada ida ba pan-americana nebe mak liga ba parte oeste atu sai ba San Salvador, iha neba mak bele hare actividade socioecon6mico iha El Salvador moris teb-tebes.
- Funu civil iha M6dio Oriente no iha África, hanesan dehan sai ona iha Programa das Naç6es Unidas kona ba Meio Ambiente (PNUMA), continua estraga recursos naturais nebe folin teb-tebes hanesan, rai, be, petr6leo, Osan mean no mineral sira seluk, cultura agr6cola nian, nebe cria insegurança ba ai-han no povo halai ba buka segurança iha fatin seluk.
- Kilat nuklear nebe as liu / usina nuclear ba funu nian husi naç6o sira nebe forte teb-tebes, estraga ambiente tomak nomos estraga ema nia vida, hodi aumenta mos kiak iha setor sira nebe kbi't laek mak ema kiak sira.

JUIZ

*Wainhira hau contempla lalehan nebe ita nia liman halo,
fulan no fitun sira nebe Ita Boot cria;*

*Se los mak ami ema, atu Ita Boot hanoin nafatin,
no ema nia oan atu Ita Boot preocupa nafatin ho nia?*

*Ita boot halo nia quase hanesan ho Maromak,
hafutar nia-an ho gloria no honra.*

*Ita halo nia bele domina buat hotu nebe Ita Boot halo ho liman rasik;
buat hot-hotu ita boot tau iha nia ain kos.*

*Bibi timur, bibi malae, kuda no karau sira,
nomos animal sira iha ai-laran.*

*Manu sira be semo iha lalehan no ikan sira iha tasi,
no buat hotu nebe existe iha tasi laran. (Salmo 8: 3-8)*



Visão ida ne'e combina ho dimensão básica rua husi visão bíblica konaba criação: Glória no majestade nebe mak ita bele contempla iha buat hotu nebe Maromak halo no ita ema nia dignidade nebe surpreendente nu'udar responsavel activo ba mundo ida ne'e, maske ita ema criatura deit. São Francisco de Assis expressa ho diak kona ba buat hirak ne'e hodi encoraja nia discípulo sira atu contempla criação no bele hahi Maromak liu husi criatura sira hotu.

Desde hahu kedas wainhira cria buat hotu, Maromak prepara ona ba ita nia necessidade tomak liu husi nia criatura, no plano ona ba sira atu bele ba too hetan perfeição. Tamba ne'e, ita ema nian dominação ba criação sira mak atu servi ba ita ema nia diak nomos criação hotu. Ida ne'e precisa teb-tebes ita ema nia responsabilidade. Ita ema nia ukun atu defende *bem comum* husi humanidade tomak, respeita nafatin ita ema nia destino ikus nomos dalan ka meios nebe mak ita uza atu bele ba hetan moris rohan laek. Wainhira ita ema exerce ita nia ukun nebe mak estraga potencial husi natureza ka nega família humana nu'udar resultado husi criação, entaun, ita contra ona Maromak nia plano original konaba criação ne'e rasik.

Wainhira hanoin kona ba ita ema nia relação ho meio ambiente, ita precisa halo diferença entre ita ema nia ação nebe la diak no estraga criação, no buka atu defende moris no riku soin humanidade tomak nian, nomos ação responsável nebe Criador pretende ba ema hotu nia diak no criação tomak.

Tuir declaração pastoral husi Conferência Católica dos Estados Unidos, "Ita ema nu'udar nain nebe fiel, ita hatene katak, moris nebe diak mai husi ita ema nia moris nebe ho responsavel ba Maromak nia criação".


De fato "século XXI dehan katak ita ema nia glória nu'udar tristeza husi rai. Nomos tristeza husi rai sai fali ita ema nia destino. "(Thomas Berry)

Declaração husi Thomas Berry ne'e los duni, katak oinsa ita bele conciente ba ita nia ação sira ka prática moris nebe halo ita nia uma comum sente todan, maske ita hanaran progresso no desenvolvimento, necessidade husi tecnologia moderna atu sukat ita ema nia moris nebe iha mudança nebe lalais liu, osan no Investimento ba desenvolvimento econômico, estilo de vida consumismo instantâneo nebe cria cultura descartável, etc. De fato, ita ema estraga hela ita nia uma comum nebe mak mundo... estraga no uza recursos importante sira husi ina rai la tuir nia dalan.

Realidade hirak ne'e fo beneficio ba grupo sira nebe elite ka riku deit, maibe la fo beneficio ba ema barak tamba oferece oportunidade nebe la hanesan (diak liu ba ema balu no la diak ba ema barak). Maske nune'e, ema hotu-hotu hola parte iha consequencia husi problema natureza nian nebe mosu iha moris.

Realidade hotu nebe koalia ona iha leten estraga moris no sei lori destruição ka estragos. Preocupação ecologia aumenta ita

nia consciencia katak oinsa buat hotu iha mundo ne'e depende ba malu. Problema ambiental balu nebe grave liu nu'udar problema global nebe ita hotu nian. Iha mundo ne'e, problema hirak ne'e afeta ita hotu no ita hotu mak sai nu'udar responsavel, inclusive sira nebe mak ladun afeta.



Creda nia hanorin ka ensinamento social Creda nian:

Basei ba Compêndio do Vaticano kona ba Doutrina Social da Igreja, parágrafo 470, Papa Francisco dehan: "Criação lalos propriedade ida nebe mak ita ema bele ukun tuir ita nia hakarak; sa tan, sai tiha hanesan propriedade ema balu nian deit: Criação nu'udar dom ka graça ida, nia mak presente furak nebe Maromak haraik mai ita atu ita cuidado nia no bele uza ba ema hotu nia diak, maibe sempre ho respeito boot no agradece". Iha mos Encíclica kona ba cuidado ita nia uma comum, *Laudato Si'* convida ita atu halo "conversão ecológica". Apela ita ba diálogo ida kona ba oinsa ita bele proteje no cuidado ita nia uma comum no oinsa ita bele hamutuk tau iha pratica, ação concreta ruma nebe sustentável no integrada ba desenvolvimento.

Iha carta amu Papa Francisco ba Cardeal Koch no Cardeal Turkson, iha dia 6 de agosto de 2015, nia dehan: "*Crise ecológica convida ita ba conversão espiritual nebe klean: Ita ema cristão hetan convite ida atu halo*" *conversão ecológica*", iha nebe ninia

hasoru malu ho Jesus Cristo halo nia sai sensível ba nia relação ho mundo nebe haleu nia. “(ibid., 127). Basá, buat nebe importante liu ba moris nebe iha virtude mak hamoris ita nia vocação nu’udar protetor husi obra Maromak nian; Buat ne’e lalos aspecto nebe opcional ka secundário husi ita nia experiência cristã “. Iha tradição católica, koalia katak bem comum universal ne’e mak ita nia dever kona ba solidariedade” determinação ida nebe firme no conservadora atu bele compromete-an ho bem comum”, mak Ita nia hakarak atu lakon ita nia moris ba ema seluk nia diak. [s] “Entrega ita nia-an “(Papa João Paulo II, Solicitudo Rei Socialis [= SRS] no.38). Problema ecológico iha ligação nebe klean ho justiça ba ema kiak sira. Ema kiak sira iha mundo nee koko ita nia solidariedade. Desenvolvimento nebe Autêntico suporta ita nia hahalok moderação katak usa ho sukat nomos usa ho cuidado ba recurso material sira. Ida nee encoraja ita atu usa didiak tecnologia agrícola no industriail sira, atu nune’e, desenvolvimento lalos significa deit avanço tecnológico nian, maibe atu tecnologia bele fo beneficio ba ema nomos bele hariku rai.

Papa João Paulo II husu ba cristão sira atu respeita no proteje meio ambiente, atu nune’e, “ita ema bele contempla misterio boot no domin Maromak nian” liu husi natureza. Ita nia respeito ba Maromak Criador nebe marca preseça no ativo iha natureza bele ajuda ita ema nia Responsabilidade ba meio ambiente. Nuudar ema nebe hetan confian,ca atu cuidado ho fiel, ita hatene katak, moris nebe completo mai husi ita ema nia moris nebe ho responsabilidade ba Maromak nia criação.

Documento SSpS nian:

Liu husi ita nia história Congregação nian no seluk tan, ita foti ona decisão ida kona ba justiça no paz nomos cuidado no proteção ba integridade criação nian. Ita nia Direção sira Congregação nian iha 14º Capítulo Geral kona ba ita nia esforço atu habelar círculo Comunhão ho Criação, declara: “Ita precisa buras iha consciência ida katak criação hotu no moris nee rasik iha ligação nebe forte nebe mak reflete Maromak Trindade nia domin. Espírito hanorin ita hodi hare ita nia missão atu fahe “Moris nebe rohan laek” lalos deit kona ba ema hotu maibe kona mos ba criação tomak. Ita hatene katak inan rai hetan violação no estraga nia dignidade. Nuudar nia rasik terus, nune mos ita ema nia moris nebe nakonu ho terus.

- “Ita avalia ita nia lalaok moris no ita nia missão ho matan integridade criação nian.
- “Ita nia decisão sira no plano sira precisa reflete kona ba ita nia compromisso ho justiça ba criação.
- “Ita precisa envolve-an iha missão nebe proteje no promove moris no criação tomak nia diak.

AÇÃO



“Cuidado didiak criação. São Francisco hakarak duni ida ne’e. Ita ema dalaruma fo perdua maibe natureza nunca perdua. Wainhira ita la cuidado didiak meio ambiente, laiha tan dalan seluk atu bele hahu fali”. Ita nia ambiente nebe iha mudança lori ita ba hakmatek no hanoin kona ba oins aita moris iha ita nia planeta. Ita hetan convite ida atu responde no adota lalaok moris nebe foun, hanesan Papa Francisco dehan iha nia encíclica *Laudato Si’: Kona ba cuidado ho ita nia uma comum.*

Rai no moris tomak nuudar Maromak nia criação. Ita hetan bolu ida atu respeita dom ida ne’e. Ita mak responsavel atu cuidado mundo nebe ita moris ba, no bele fahe buat furak no recursos hotu nebe mak Rai fo mai ita. Ita hetan convite ida atu sai nain ba criação.

Sera que Ita bele simu ita nia parte ho consciencia atu nunee ita bele responde ba convite kona ba “conversão ecológica” nebe nafatin iha ita nia moris lor-loron, ho dalan katak wainhira ita avança, ita bele avalia ita nia lalaok moris no missão ho matan integridade criação nian? (Cf. Diretrizes SSPS - 14º Capítulo geral) hanesan Papa João Paulo II dehan: “protege meio ambiente nuudar direito ba moris no proteção ba moris”.

Perguntas simples nebe ita halo atu reflete:

1. questões ambientais saida deit mak agora daudaun hau hasoru iha hau nia fatin?
2. Principal problema ambiental saida deit hau / ami bele temi?
3. Saida mak significa ba hau / ami kona ba efeito husi meio ambiente?
4. Saida mak hau bele halo / agora, talvez esforço kiik sira nebe mak hau / ami bele contribui atu ajuda proteje no e preserva ita nia meio ambiente?

Halo eco husi desafios ruma ba ita ohin loron:

- Ita nia dimensão profética husi vida religiosa nian convida ita ba lalaok moris nebe simples no respeita criação tomak.
- Ita continua nafaitn lê “sinais dos tempos” nebe bolu ita atu halo nafatin processo deiscernimento.
- Ita uza ita nia recursos atu cria relação no dalan oi-oin atu bele comunica Liafuan diak no cuidado naafatin ba buat nebe fo ameaça ba moris.
- liu husi ita nia espiritualidade no carisma, ita reconhece ita nia compromisso ho reconciliação no restauração harmonia nian.
- Ita reconehce katak ita iha hela ética do bem comum no ética de solidariedade nian ho sira nebe terus no precisa tulun.



Hanoin no respostas balu nebe mak dala ruma ita bele uza:

Ita cuidado criação nuudar responsabilidade ida nebe Maromak haraik mai ita. Dalan nebe mak ita halo ho conciente ba meio ambiente bele fo impacto nebe importante ba mudança, maske ação nebe ita halo kiik tebetes, bele ajuda ona planeta atu hetan moris nebe diak liu. Sudão Sul no iha parte sul Etiópianian , ita nuudar SSPS, compromete no participa atu cuidado meio ambiente. Ita nia objetivo mak haklean ita nia consciência kona ba ita nia interconectividade ho meio ambiente, incentiva ema atu moris iha lalaok nebe mak sustentável iha ita nia comunidade sira no cria parceiro iha missão. Maske nuudar parte kiik oan ida deit iha mundo nuudar Congregação, maibe ema seluk bele apreende husi ita nia hahalok nebe diak, nebe fo resultado ba efeito dominó nebe habelar ba ema hotu ita nia hahalok diak ne'e.

Ita hotu bele halo buat ruma no continua halo pratica simples no facil ruma atu bele proteje no restaura meio ambiente iha ita nia comunidade sira, instituições no projetos / programas, envolve mos feto sira, labarik,foinsae no comunidades agrícola sira wainhira iha oportunidade nomos aproveita mos participação iha Igreja, Ngo no ema hirak nebe serviço iha governo.

- Lao ka sae bicicleta atu bele hamenus traços carbono nian; Usa transporte público do que lori kareta pribado ba fatin hotu.

- Kuda ai-han rasik, iha o nia jardim rasik atu bele han hahan nebe organico, evita hahan quimico sira, no hamenus poluição husi máquina agrícola nian.
- Cuidado ho lixo, prepara lixeiro iha fatin hotu-hotu atu bele hamenus lixo.
- Hamenus plástico nebe la reciclável (Tidak bisa di daur ulang); Uza bornal atu ba halo compras, liu-liu usa pasta nebe ho surat tahan. Usa mos be fatin nebe mak wainhira hotu bele uza fali.
- Sosa produto nebe sustentavel ka la estraga meio ambiente, tamba se ita kuda ita nia ai-han rasik mos sei la ajuda agircultor local sira.
- Instala chuveiro nebe naton ka uza balde hodi haris atu nune' e bele hamenus ita nia consumo ba bé, hanoin mos ba ema hirak nebe mak laiha be mos.
- Promove fogão sira nebe hemat energia listrik atu tein no buka atu uza biogás natural; uza ahi oan nebe bele economiza energia no buat seluk nebe ajuda hamenus consumo de eletricidade.
- Promove atu uza energia solar
- Hakiak ai horis, ai oan no ai horis hotu nebe mak tahan manas.
- Harii barragen ho rai atu keta halo rai monu erosão)
- Incentiva ema atu uza compostagem, evita atu uza produtos nebe químico hanesan fertilizantes nebe la orgânico, pesticida, inseticida sira, etc .;
- Promove prática agrícola multi-cropping no intercropping iha comunidade agrícola sira; harii fatin atu halibur udan ben
- Uza nafatin eletrônico antigo nian, no koko atu la troca foun bebeik ba gadget sira, se karik ida nebe uza nee sei diak hela, atu nunee bele evita halibur buat barak.
- Se karik o precisa duni, entaun bele entrega electonico nebe antigo ona ba iha centro nebe halibur lixo eletrônico (karik iha).
- Iha mos buat seluk nebe ita bele aumenta iha lista ne'e.

Wainhira ita cuidado ambiente natural, liu husi proteje espécies oi-oin nebe hetan ameaça, liu husi ita nia seviço makass atu halo mos ambiente humano nian bele lao tuir ecologia local, uza tecnologia nebe bele ajuda no halo avaliação didiak ba tecnologia foun sira nebe ita atu uza, ho dalan hirak ne'e ita fo ona respeito ba criação no respeito mos ba ita nia Criador.

Ita hetan convite atu serviço hamutuk, tanto local nomos internacionalmente atu hatudu ita nia preocupação ba humanidade tomak, atu proteje ambiente husi planeta no cuidado inan rai nebe fo moris ba ita. Integridade ecológica mak parte nebe importante husi religião no fiar oi-oin. No questão importante tebes iha nebe precisa promove diálogo, a colaboração, compreensão no solidariedade.

“Precisa teb-tebes ita nia sentimento de solidariedade entre geração hotu, tamba geração futura sira labele lori todan husi recursos ambientais comuns” (Papa Bento XVI).

Santo Arnaldo Janssen dehan: “Maromak nia diak no laran luak hakoak hot-hotu, inclui mos criatura sira nebe kiik liu no ladun importante”. Maromak nia Liafuan mak halo criação hotu. Nune' e, liu husi criação, hun moris nian no ambiente nebe ita moris ba, Maromak bele koalia ba ita.

Tradutora: Sr. Maria da Graca, SSpS

